



Xueves, 8 d'agostu de 2019

## **El Gobiernu d'Asturies avanza na definición de la so nueva estructura col nomamientu de les secretaríes xenerales técniques**

- **Esti pasu va permitir trabayar na ordenación de les xeres y funciones de los distintos departamentos del Executivu**

El Gobiernu d'Asturies aprobó güei el nomamientu de les persones que van ocupar les secretaríes xenerales técniques de nueve conseyeríes. Esti pasu supón una meyora para perfilar los distintos departamentos del Executivu autonómicu ya impulsar los correspondientes decretos.

La estructura de l'Alministración constitúi l'entramáu organizativu que permite dar cumplimientu al programa de gobiernu. El primer trámite que se llevó a cabu nesti sentíu na actual llexislatura foi la publicación del decretu del presidente 13/2019, de 24 de xunetu, pol que se definen les nueve conseyeríes y les sos competencias particulares.

La elección de les persones que van ocupar les secretaríes xenerales técniques va dexar dir afondando na configuración de les estructures de los distintos departamentos, que se va completar a lo llargo de les próximos selmanes. Una vegada cerrada la estructura, van facese los nomamientos correspondientes.

Los nomamientos aprobaos son los siguientes:

- El Gobiernu d'Asturies aprobó güei el nomamientu de les persones que van ocupar les secretaríes xenerales técniques de nueve conseyeríes. Esti pasu supón una meyora para perfilar los distintos departamentos del Executivu autonómicu ya impulsar los correspondientes decretos.

La estructura de l'Alministración constitúi el treme organizativu que dexa dar cumplimientu al programa de gobiernu. El primer trámite que se llevó a cabu nesti sentíu na actual llexislatura foi la publicación del decretu del presidente 13/2019, de 24 de xunetu, pol que se definen les nueve conseyeríes y les sos competencias particulares.

La elección de les persones que van ocupar les secretaríes xenerales técniques va dexar dir afondando na configuración de les estructures de los distintos departamentos, que se va completar a lo llargo de les

próximes selmanes. Una vegada cerrada la estructura, va dar en los nomamientos correspondientes.

Los nomamientos aprobaos son los siguientes:

□ **Consejería de Presidencia: María del Mar Martínez Salmerón** (Almería, 1960). Licenciada en Derechu pola Universidá de Granada, ingresó nel Cuerpu Superior d'Alministradores del Principáu en 1990. De magar, foi xefa de secció de Contratación y Espropiaciones, xefa de serviciu d'Entamadores, lletrada del Serviciu Xurídicu, xefa de serviciu de Turismu y xefa de serviciu d'Estratexa Comercial y Turística na Consejería d'Industria, Empléu y Turismu.

□ **Consejería de Hacienda: Juan Antonio Baragaño** (Llangréu, 1963). Ye llicenciáu en Derechu pola Universidá d'Uviéu y funcionariu del Cuerpu Superior d'Alministradores del Principáu dende 1990. Desempeñó diversos cargos de responsabilidad na estructura del Principáu y tuvo al mandu de distintes secciones y servicios dende 1991. Dende 2012 hasta agora foi'l xefe del serviciu d'Asesoramientu Xurídicu de la Consejería de Hacienda y Sector Públicu.

□ **Consejería d'Industria, Empléu y Promoción Económica: Luis Carmelo Ménguez Vicente** (Ponferrada, 1963). Ye llicenciáu en Derechu pola Universidá de Cantabria y empezó la so carrera profesional en 1992 como funcionariu del Cuerpu Superior d'Alministradores del Principáu. Ente otros cargos, foi técticu de la Dirección Xeneral de Pesca, asesor xurídicu del Secretariáu de Gobiernu, xefe del serviciu d'Asuntos Xenerales de les consejerías d'Industria y Cultura, xefe de la Inspección Xeneral de Servicios y coordinador de normativa educativa.

□ **Consejería d'Educación: Begoña Fernández Suárez** (Xixón, 1964). Licenciada en Derechu pola Universidá d'Uviéu, foi directora xeneral de Patrimoniu dende 2012. Dende'l so ingresu como funcionaria de carrera del Cuerpu Superior d'Alministradores foi secretaria técnica de les Consejerías de Mediu Ambiente y Urbanismu y d'Educación, xefa de secció de Personal Llaboral de la Dirección Xeneral de Función Pública, xefa de serviciu de Réxime Xurídicu de la Consejería de Mediu Ambiente y Urbanismu, xefa de serviciu d'Ordenación de Recursos Humanos y directora xeneral de Función Pública. Tamién foi xefa del serviciu de Promoción Turística y directora del Institutu d'Alministración Pública Adolfo Posada.

□ **Consejería de Salú: Eulalia Fernández Méndez** (Les Regueres, 1983). Licenciada en Derechu pola Universidá d'Uviéu, máster en Protección Xurídica de les Persones y Grupos Vulnerables y máster en Contratación Pública. Dende 2018 ye la secretaria xeneral técnica de la Consejería de Sanidá, onde ingresó va ocho años como funcionaria de carrera del Cuerpu Superior d'Alministradores. Nesti departamentu desempeñó distintes funciones nos servicios xurídicos de l'Axencia de Sanidá Ambiental y Consumu y nes secciones de Contratación y de Sofitu Alministrativu.



- **Consejería de Derechos Sociales y Bienestar: Gloria Gadea Badal Ortiz** (Uviéu, 1977). Llicenciada en Derechu pola Universidá d'Uviéu, empezó la so andadura profesional nel Institutu Nacional de les Alministraciones Públiques. Foi secretaria interventora nos conceyos de Ponga y Crémenes (Castiella y Llión). En 2008 ingresó como interventora xeneral nel Conceyu de Cuideiru y darréu asumió'l cargu de secretaria interventora na agrupación de conceyos de San Martín d'Ozcos y Santalla d'Ozcos. De 2008 a 2012 trabayó como asesora xurídica na Axencia Asturiana d'Emigración y anguaño ye técnica d'auditoría de la Sindicatura de Cuentas del Principáu.
- **Consejería de Desenvolvimientu Rural, Agroganadería y Pesca: José Manuel Senén Casal Iglesias** (Uviéu, 1957). Llicenciáu en Ciencies Económiques y Empresariales pola Universidá de Valencia, foi secretariu xeneral técticu de la Consejería de Desenvolvimientu Rural y Recursos Naturales dende agostu de 2015. En 1984 ingresó nel Cuerpu Superior d'Alministradores, onde ocupó delles xefatures de serviciu na Dirección Xeneral de Función Pública hasta 1991. Darréu, tuvo cargos directivos nel Conceyu de Xixón; ente ellos, el de director xeneral de Servicios. Tamién foi xefe de gabinete de la Presidencia de la Xunta Xeneral del Principáu.
- **Consejería de Cultura, Política Llingüística y Turismu: Andrea Suárez Rodríguez** (Xixón, 1979). Llicenciada en Derechu pola Universidá d'Uviéu, trabayó nel Institutu de Desenvolvimientu Económicu del Principáu (Idepa) y nes consejeríes d'Industria, Empléu y Turismu y d'Educación y Ciencia. Dende 2011, ocupaba la xefatura de serviciu d'Asuntos Xenerales na Secretaría Xeneral del Serviciu de Salú del Principáu d'Asturies (Sespa).
- **Consejería de Ciencia, Innovación y Universidá: Beatriz Alejos Bermúdez** (Taramundi, 1979). Llicenciada en Derechu pola Universidá d'Uviéu, en 2009 ingresó como funcionaria de carrera del Cuerpu Superior d'Alministradores. Foi xefa de secció de Rexistru y Arquivu de Personal na Dirección Xeneral de Función Pública y coordinadora de Promoción na Dirección Xeneral de Turismu. Dende 2011 ocupa la xefatura de serviciu de Relaciones coles Entidaes Locales na Dirección Xeneral d'Alministración Local.